

牧令書輯要

牧令書輯要卷九目錄

戢暴

實政遺編

栗毓美

誠求摺

徐文弼

頑梗

王植

令在必行

王鳳生

刁風宜戢

王鳳生

相機應變

王鳳生

治莠

汪輝祖

乞丐

潘杓燦

弭盜議詳八條錄二

陳宏謀

嚴拏匪徒病棍爲害並使病叟潑婦輩接示

謝玉珩

答不出告示問

李殿圖

論息關書

程含章

瘦石山房筆記

陸向榮

治劫盜議

鄭振圖

治盜賊

胡衍虞

弭盜要法

田文鏡

緝捕

巢毓美

設卡房建柵欄

徐文弼

警盜

黃可潤

緝捕

王鳳生

瘦石山房筆記

陸向榮

清賊源

王鳳生

捕緝

何耿繩

備武

練兵修寨四事

方積

籌辦團練章程

方積

三省邊防備覽策略

嚴如煜

牧令書輯要卷九目錄終

牧令書輯要卷九

安肅徐棟致初原編

豐順丁日昌雨生選評

戢暴

奸猾竊盜不盡泯於刑措之時。鋤莠安良。政之大者也。故父母斯民者。任安全之責。不可無整飭之方。

實政遺編

栗毓美

地方土棍。訪明懲辦。未獲者。榜示各鄉。不待流徒而自遠徙矣。

誠求摺

後所開其大略也。因勢制宜。自行斟酌。

徐文弼

一查滅倫逆子 一查惑眾邪教 一查刀筆訟師  
一查武斷衿棍 一查私造賭具 一查私鑄錢文  
一查私宰耕牛 一查私藏軍器 一查窩賊窩娼  
一查隱匿漏稅 一查結黨強丐 一查遊蕩惰民  
此摺慎選鄉長密授之令每月一報密封親投有犯  
某條者卽於其下註明某地某人查有某事確據無  
犯者卽於各條下註一無字報後仍親加細察摺  
用白柬連前後殼作八面中六面每面稀列二條以  
便詳註並須刊刷多本備循環給領

頑梗

王植

但當思民貧莫輒言民刁但當言民愚莫謾言民富忍

言民刁意欲何爲。謬言民富更存何意。然偶遇頑梗之民處之。又不可無法。余在新會日。邑北杜阮鄉俗最悍。順治四年。嘗戕知縣林鳳翔。世亂莫之討。遂愈驕。糧不可輸。勾人不出。又不遵報保長。有生員黃作徵等謀占族人墟地。假建

上諭亭爲名。余不許。上濱府司院。余一再查卷覆。仍不許。適藩司薩公陞任將去。作徵等隱前情。假以建亭已竣。請行縣落成。乘批准。卽鳩眾強建。余復錄案詳奉飭拆毀。委該管湖連司往。不遵。且肆無狀。懼而返。余將親往參府王君榮懲往事。欲以兵從。余曰。今何時而敢不逞耶。心念遽拆亭。必烏合致鬧。直拘人則懼。而鳥獸散。



矣。然令知而先備則不可。乃於一日傳牛肚司巡檢令隨行至墟所。隔一河卽其鄉。遽命該司雷毀亭而余出不意肩輿直至村前。作徵等迎出。令先繫之。旋少年數十人出。語囂不可辨。而勢甚恣。余命健役十人徑前行拘哄然走者大半。獲數人亦繫之。遂至村中。通行嚴諭。旋墟所亭已毀矣。乃繫回縣審詳。分別褫責。以地還主。爲設保長。於是完糧者亦如期。在德慶日。州阜快二十四名不足備差遣。時差及民壯而壯役中有黠者二人。揚言民壯與兵相埒。不應雜差如強之。卽散堂五十名。皆惑之。余意此等悍役不加懲必恣縱。倘果無知。散堂亦非體。一日眾具詞稟。余喚黠者二人。數其罪曰。吾久

知之是爾意也。且押帶候稟府請示。餘眾稍縮。以不加責。亦無譴。余令俱前諭之曰。爾等貧役。何爲避差。且爾等有常奉差者乎。某某應曰。有之。爾等有願出差者乎。某某應曰。惟命。命且退。既出。且理別事。稍久。乃命帶點者至。曰。小事何足稟府。重杖之。除其名次。日皆候差。惟謹。

令在必行

王鳳生

令出惟行。謂令在必行而後出也。若徒煩文告而不隨事認真。卽嚴拏地棍。禁賭逐娼。亦祇飽吏役之橐囊。遂刁民之訛詐。於地方卒無裨益。余所蒞之處。娼賭偵知其址。每不動聲色。藉查夜以親拘。多有所中。惟禁令雖

嚴總不准差役及非分之人稟娼首賭。縱所稟得實。訊結本案。亦必究其需索不遂。予以責懲。至於地棍爲閭閻之害。拘則必得其人。治則必盡其法。發之以密行之。有恆務。有以鍛其翼。而鏟其根。斷不可姑息養奸。若情重法輕。治與不治等。將視法爲可玩。益肆橫行。蓋强悍匪徒。有以曾犯到官爲好漢者。嚴刑峻法。正宜於此輩加之。

刁風宜戢

民氣宜使之靖而不可縱也。有等刁健之徒。往往藉端挾制。聚眾抗官。此雖官之平日疎於治理。未協輿情。然當場不攝以威而抑其氣。將此事逞而彼事隨之。此鄉

創而彼鄉效之相習成風一蹶不可復振夫官能治人全在朝廷名分苟法無可畏而官益可輕犯上作亂之爲未始不由此以開其先也州縣予奪之權可操之大吏地方風氣之壞每肇於一端是又在上官之衡其輕重固不可庇官而抑民尤不可損威而廢法

### 相機應變

天下雖有曠悍之民未有不畏官者乃非獨不畏而且取犯之是必官之示以無足畏或意太徑語太激亦有以致之臨民者設逢其事斷在有膽有識任其動而靜以定之任其玩而莊以臨之坐則勿退行則直前惟自付平昔治民本無怨毒總可推誠剴諭撥亂而返之正

若神色稍涉張皇。必致乘虛而入。釀成巨案。浙江湖州府同知分防烏鎮兼轄嘉屬之秀水石門桐鄉三縣。該處俗尚賭博。仗衙門爲包庇。甚有以陋規納官者。每於江浙交界臨河空曠處所。搭蓋蓬廠。演唱女戲。聚集多人。賭色俱備。並招徠蘇常一帶花船百餘隻。繼賭以嫖。自朝至夕。由夜達旦。名曰花賭。幾與閩省之花會等。富家子弟。往往被其迷惑。蕩產傾家。且多盜賊。涸跡於其間。以竊賊恣揮霍。大爲民害。而上下衙門吏役包庇甚堅。無從覺察。余權是篆時。屏絕苞苴。嚴禁聚賭。然此輩陽奉陰違如故。前此雖經嘉湖府縣訪聞。均未識確址。無如之何。余偵知得實。密往親拏。從役僅十數人。皆爲

賄通消息者余亦知而弗禁使之聞而潛逃及至其地果有潰勢然人數尙以萬計洶洶然若將拒捕者予挺立不動大聲喝諭如係旁觀及被誘之人准其走散專拏開賭之家嚴究眾乃退避紛紛風竄遂將開場之人拏獲發縣究辦由是賭風乃戢亦以理直而氣壯當場不示以怯自尊而人不敢輕也嗣權王環象時自陞姓者喊眾以己山僱人刈草突遭棍匪數百人持械至山尋毆捆搶二十餘人而去生死未知當因控關重大恐差役冒昧釀事札委巡檢率役往查并面諭以相機獲解逾日忽倉皇而歸據稱是山西團懸海非舟莫渡亦只一而有樵徑可登偪仄紆迴僅容一人步行官役之

船將至山根卽見山頂人如蟻聚亂擲土石而下莫敢仰視舟不能停只得自崖而返其實則未通一語亦莫識其事之端倪也而原告愈以被縛之人恐爲致死情詞迫切遂傳其人覆訊反復推求始據供吐是山甫經前任於去冬斷歸管業前稟竟抹案未敘也隨卽弔卷細核始知玉環展復之初地廣人稀山業任人佔墾不計畝分是山周圍十餘里每年所產柴草值錢數百千內除程姓有糧五分任其自割地畝管糧外其餘荒山向係附近五村居民賴以樵采爲生者乃程姓忽思以五分之稅妄圖籠佔全山上年以糧係伊納山應歸管控告官未之察如其所言定斷故次年割草之際五村

居民邀集登山與之爭刈將以命博余閱悉其情隨敘  
簡明告示飭各村耆長黏貼於高腳牌上挨村肩諭各  
令其家將在山之人喚回限兩日內全行解散而以所  
縛之人送出另爲審斷本案否則先拘家屬并會營嚴  
拏重究後悔無及予仍親往該村莊適中處所傳集耆  
老曉以利害羣相感悟一一承命當將滋事糾眾各犯  
重杖枷示其山地斷令程姓仍照舊址管業餘山作爲  
官荒聽五村居民樵采并爲定界永杜紊爭其事遂寢  
使其時倉卒之來不爲求端訊末激則生變咎將誰歸  
今且思之惕然耳

治莠

汪輝祖



剽悍之徒生事害人。此莠民也。不治則已。治則必宜使  
之畏法。可以破其膽。可以鍛其翼。若不能嚴治。不如且  
不治。蓋不遽治。若輩猶懼有治之者。治與不治等。將法  
可玩而氣愈橫。不至殃民。羅辟不止。此荏苒多盜。先聖  
思子產爲遺愛也。然其中閒有勇幹之才。偶爾錯路者。  
亦宜隨時察識。陰爲籍記。或選充練保。或收補民壯。攝  
之以威懷。之以德。使其明曉禮義。就我範圍。設遇緩急。  
未始不可收驅策之功。第此乃使詐使貪之妙用。非有  
知人之明者。不能略一失誤。關門養虎矣。

乞丐

潘杓燦

乞丐列名養濟。自可稽查。卽有民閒貧苦疾病之人。不

願名列丐流。只自私行求乞。此必暫時權宜。亦有居址可考。別有一種流丐。來厯無稽。裝聾作跛。攔路跪街。叫號萬狀。晝則捫門闔戶。假以求乞爲名。暗相人家出入路徑。夜則旋爲竊盜。更有打輒磕頭。身塗污穢。臥人店鋪。詐死賴命。不捨不休。亦盜類也。宜令鄉保一併驅逐。以清盜賊之數。至於乞丐領袖名爲甲頭。坐分地方。遇有人家婚喪慶弔之事。呼引丐夥。動至數十。索酒索銀。不遂其欲。叫罵穢污。肆行萬狀。有事之家。以其無賴。吞聲忍氣。受其嚇詐。殊可深恨。宜將甲頭嚴禁。痛懲革去。坐地名色。則此風自絕。

弭盜議詳 八條錄二

陳宏謀

一曰稽查乞丐。乞丐以覓食爲生。日則沿門求乞。夜則隨地安身。出入路徑。可以乘便而得。財貨虛實。可以遊目而知。到處成羣。不須糾約。隨手攘取。不須窩匿。晝伏夜行。盤詰之所不及。東流西竄。偵拏尤其所難。凡屬城鄉竊案。大半皆由此輩。查城鄉村鎮。向均設有丐頭。地方居民。遇有年節婚喪紅白之事。賞給錢米。專爲管束乞丐。不許行強橫索而設。但不查明造冊。專其責成。丐頭一身。亦難稽管。請將境內乞丐通行查清。除女丐外。其有男丐若干名。造冊報縣。各於附近偏僻處所。捐置房屋。或現存無礙空廟。定爲羣丐棲止之所。每名給以腰牌。上書某處某丐頭所轄。

登入姓名。常挂腰閒。日則聽其各處乞食。夜則催歸棲所住宿。每丐頭頒發丐牌。悉如保甲牌式。首列丐頭姓名。次填各丐籍貫年歲。懸挂棲所。以便點驗稽查。如有遇晚不歸。許丐頭送縣查究。所內若有犯竊之丐。卽將丐頭重責。遇有在外生事強索者。亦可按腰牌根究。如無腰牌。卽係匪犯。送官究處。現在蘇城之三縣六門。均設有棲流所。維時專爲安置乞丐。得所起見。故止許老疾殘廢者入所棲止。其餘少壯。仍使自食其力。不許入所。今旣於養丐之中。寓弭盜之意。則少壯之丐。尤當令其入所。庶有約束。至於外來流丐。向有查明驅逐之議。但此輩隨地覓食。各處皆

然概行驅逐。本境已不勝查送之煩。回籍之後。仍然乞食。仍須安插。而此境送去。彼境送來。徒滋纏擾。無裨窮丐。本司愚見。此等乞食窮民。何分此疆彼界。現在此處乞食。卽應收於此處棲所。聽其隨處資生。毋庸驅逐。如有逃亡歸籍。丐頭於朔望回風。日報官開除。以杜藏匿爲匪之弊。倘棲流所房間不敷安頓。卽爲量增。各府州縣原無棲流所者。均令設法覓建。實力舉行。具文通報。其年力精壯。原能手藝。可以傭工之人。或因自己本無營業。他人不肯僱用。不得已而爲乞丐者。應問明本人。卽諭該地鄰鄉保爲之覓主傭作。并卽令鄉地鄰族公同立契。如有事犯。不得連

累僱主則僱主無所顧忌。皆爲僱用收養一人即可少一人爲竊亦引盜之一端也。

一口管束驛夫通衢大站皆有驛夫專供捧拉扛擡之役。若輩無家無業半非良善。如遇無差無役之時亦俱在外乞食。隨地止宿。因而行竊亦所不免。查各驛散夫現俱設有罽頭專管。又俱建有夥房聽其在內棲止。做活應令各管驛官通查在驛供役之夫造具姓名清冊每人給以腰牌。登入罽頭本夫姓名懸之腰間以備稽查。仍令五人互保。併照保甲之式給以門牌懸於夥房。責成罽頭稽查。日閒聽其出外夜則督歸驛夫於宿頭及沿途行竊事發卽與互保之夫

一併究處。該驛丞每夜親赴夥房查點。如有潛出立時拏究。仍許罷頭不時稟報。倘敢容隱。一併責處。如遇驛夫在站犯竊。除罷頭重處責革外。該管驛官輕則記過。重則揭參。其養濟院之孤貧。若有求乞者。亦令給以腰牌。夜仍宿院。責令孤貧頭查察。縱竊容隱。一例治罪。

嚴拏匪徒痞棍爲害。並使病叟潑婦輩擾示

謝玉珩

牌仰該役前往某里各甲。諄諭各鄉約戶長及團首。知悉。前次本縣諭令齊團之意。原欲地方逐段均有守望相助之風。庶免匪徒痞棍拖害良民。惟轉盼卽值歲暮。

誠恐匪徒與痞棍都要尋過年柴米。或匪徒藏匿曠野。估搶孤客。或卽在本境早晚掏摸。或痞棍藉端索詐。持刀逞兇。或支使病叟潑婦上門釁臥。若約長團首不卽拏送。在匪徒則必或搶或竊。年終愈多。在痞棍則不是自往人家尋綸。便是逼人自縊。不是自行戕斃人命。便是被人戕斃。種種禍患。不可不豫爲防範。總在該約長團首一聞地方被搶被竊之事。卽行跟蹤搜捕。務使賊無逃遁。一聞地方有口角吵嚷之事。卽行飛往排解。務使民勿鬭爭。如其不聽排解。應卽稟究。並將其支使之夫男一併查拏送案。以憑嚴懲。倘約長團首膽敢袖手旁觀。稍涉玩忽。設有匪徒痞棍釀成搶劫人命重案。定



牛人言事  
一  
卽籤拘該約長團首一律治罪絕不寬貸大約臘月開  
及封印後更係團上出力之時切不可虛應故事陽奉  
陰違致使地方毫無齊團之益茲復酌示年終緊要八  
條於後該役等執牌前去務諄諭約長團首上緊遵照  
毋違須至牌諭者

一民閒每有先年賣過田地之人貧難度歲或自往買  
業之家病賴或支使病叟潑婦前往釁索該約長團  
首應將病叟潑婦立即驅逐回歸將支使之夫男立  
卽捆獲送案若病叟潑婦不肯回歸立即帶究毋稍  
姑息

一民閒每有先年通挪過銀錢之人貧難度歲復帶刀

帶磁片往向還過銀錢之家痞賴該約長團首應立即勸解使去如其不去立即捆獲送案姑俟開印查訊切勿遲緩與人留害

一民閒每有恃係老業主或素有瓜葛之人貧難度歲復帶刀前往他人界內私砍竹木希圖賣錢救急若他人知覺禁阻輒肆痞賴該約長團首應立即捆獲送案切勿姑容與人留害

一民閒每有平素毫無交染之人貧難度歲私揣某人懦弱輒偽造遠年借約假帳往向懦弱之家詐索吵鬧該約長團首應立即勸解使去如其不去立即捆獲送案姑俟開印嚴訊切勿遲緩與人留害

一民間每有素未爲匪之人貧難度歲忽生盜心或潛匿大路小路之旁估搶孤客財物或卽向本境熟識人戶黑夜偷竊該約長團首應上緊畱心查拏捆獲送案切勿疎懈與人畱害

一民間每有被搶被竊之案大半拏獲匪徒十有五六係屬乞丐該約長團首應卽上緊查看境內如有精壯乞丐不必拘定三五成羣或卽隻身一人果係形狀狡黠者亦應捆獲送案切勿縱容與人畱害

一民間自縊抹頸及鬪毆傷人殺人案件其起釁之初無不先滋口角該約長團首應聽問地方略有爭嚷之聲卽趕緊飛往排解飭令走散如其不聽排解不

必問誰之理直。應將強橫之人。立即捆獲送案。切勿  
瞻徇。俾釀人命。

一。本年收成歉薄。四鄉不少窮民。或能有無相通。或肯  
周急濟困。原屬厚德。大凡紳民中之囊有餘財。倉有  
餘粟者。務須施仁重義。惻隱爲懷。不必因本縣除惡  
甚嚴。卽恃以凌暴鄉黨。亦非本縣之所取。約長團首  
皆宜領悟此意。

以上八條。均係臘月間及封印後。民間易犯之事。更  
係團上急當出力之時。利己利人。皆不外此。務各認  
眞妥辦。毋忽。

答不出告示問

李殿圖

閩之要政。莫過械鬪糾搶。洋匪會匪。閩棍花會。竄役訟師。諸大端。示之前此者。現在者。重疊鋪牆壁。甚至藩溝溝渠。字跡徧滿。其誰聽之。而誰應之。夫誠意未孚於民。空文以強聒之。適自褻耳。今閩之官民。如駭鹿。每提一案。官則曰。是將藉以生發也。民則曰。是將致我於死地也。此猶孩提兒女。久受虐於悍婦。驟易一慈母。非撫摩而喚咻之。則亦呱啼而走矣。然求治於閩。尤有其至難者。夫盜賊等項。祇寒暑之急證。閩之痼疾。在於把持。乃痼痺之疾。心腹之患也。公署案卷。經胥把持之。被證投審。竄役把持之。丁耗徵輸。圖承把持之。詞訟起滅。制堂把持之。關津渡口。地棍把持之。銀糧價值。權衡斗斛。市

僧把持之。汎地奸匪海口陋規。兵弁把持之。如石之頑。如木之堅。本官有所施行。則左右前後。無非通風走氣之人。又苦於言語不通。祕之而不容祕。所賴積誠以感之耳。夫誠無可見。本之於潔己。潔己則無求於屬員。而官生畏。潔己則處置公允。而民知感。而又恤其幽隱。速於聽斷。則官民皆無可藉口。且樂爲我用。而我之勢不孤。夫然後持之以鎮靜。運之以智慧。出之以風厲。乘其瑕而攻之。大破顏面。而眾不怨。懲一儆百。而人知懼。片紙隻字。皆將御風而行矣。吾故率此以往。厯久不渝。雖未必遽挽頽風。或可稍補萬一云爾。

論息鬪書

程含章

粵東風俗之壞。其過於械鬪。此風起於福建之漳泉。傳流至于潮州。漸染及惠嘉廣肇韶南。而以潮州爲尤甚。禍流數十百年。而未有止。其初由地方官。惟知魚肉鄉民。不理民事。民間詞訟。延至數年不結。甚或數年不得一見官面。愚民無所告訴。不得已激而成鬪。鬪後仍索賄。並不與民分曲直。於是黎民咸怨。而抗官拒捕之事作矣。民既抗官。遂致用兵。夫馬口糧解費。出自民間。兵役所到。室盡爲空。官視民如寇仇。民視官如豺虎。上下隔絕。情意不通。此所以愈治而愈壞也。查民間好鬪之故。弊有十二。其性獷悍而好勝。其俗重財而輕生。口角細故。卽忘身命。戾夫一呼。從者雲集。鳴鑼擊鼓。刀槍若

林初不計其事不干己也數十金之價爭欲頂兇銀若到手雖縱之而不逃也頑民習演鳥槍以待僱倩專以殺人爲生涯不畏明有國法幽有鬼神也祠堂積蓄饒多有易鬪之資兇手豫先占定有敢鬪之氣大鄉欺小鄉而鬪小鄉不服聯合多鄉以圖報復而亦鬪而且族豪結以自肥而樂於鬪族棍藉以分潤而樂於鬪訟師從中播弄而樂於鬪劣衿從中慫慂而樂於鬪胥役從中鬪說而樂於鬪有此十二弊驅之使鬪愚民欲不鬪而不得又安望鬪風之息耶今則祠堂之積蓄已空田園拋荒民間無銀買兇案多不結帶兵往索民已習見不畏故官斯土者昔以械鬪爲奇貨今乃以械鬪爲



苦事物窮則變。能不急思所以轉之乎。竊計自有械關以來。各前院司道府牧令。或究主謀。或辦頂兇。或封祠堂。或搜烏槍。或責成族長。地保。飛報。非不認真整頓。而卒不能挽回者。治其末。塞其流。未有以正本清源之法行之耳。正本清源之法。伊何亦曰。勤政親民。以通上下之情而已矣。潮州之弊。在官民隔絕。情意不通。譬之人病在臟腑。而智牖閉塞。攻之不下。藥之則吐。必先通關隔。藥乃可施。昔者昌黎在潮。化及鱷魚。潮民雖蠻。亦有血氣心知。何至冥頑不靈。鱷魚不若耶。雖然。有難焉者。百年以來。潮民之惡官。如惡蛇蝎。今欲與之親。民必遠避。而不肯親官。卽百般解說。嘔出心血。以示民。亦不信。

曰。是爲某案而來。以甘言誘我。欲縛我而置之獄。以剝我皮也。必閉門而不許入。然則爲之奈何。余曰。吾於此得牧人之法焉。野馬之初見人也。非踢則噬。不可得而近也。牧人乃朝而誘之羣。夕而遊之水。今日飼之芻。明日秣之粟。漸引漸近。轡乃得施。可以任我馳驅矣。吾於此又得獵人之法焉。人之逐虎也。若叫囂而往。人少則反爲所噬。人多則跳哮而逃。否則負隅莫撓。勞而罔獲。善獵者乃姑緩之。探其蹤跡。伺其睡熟。直入其穴而擒之。用力少而成功大。則智力使然也。官斯土者。初則當用牧人之術。先其所易。後其所難。隨帶彼所素信之三人。直至其鄉。存問耆老。但得三五人出見。與之道家。

先之以恩使民親繼之以威使民畏余復爲之轉解曰臨之以正使民敬以治天下可也豈獨治湖州之械闢哉

常談風俗問疾苦將伊村數十年來上苦官兵下苦強鄰妻子流離家室破敗男不得耕女不得織之故痛切言之雖使彼人訴冤不能如是之沈痛悲慘該耆老必潸然泣下婦女聞之必出而哭訴吾但撫慰一番而去不言關事已而再至其鄉或至鄰鄉仍用此法再加深切聽者漸多乃爲之謀生計課農田講水利教樹蓄仍不言關事而去已而三至四至仍用此法聽者愈多乃爲之剖曲直解紛爭釋仇怨立鄉規設族長置黨正立義學作人材教孝弟訓睦恤所作之事無不青天白日躬先倡率而身任其勞雖使其父爲子謀兄爲弟謀不能如是之周至民非木石能不知感若乃頑梗之鄉蠻

閩粵械鬪最多地方官若  
奉此篇爲金科玉律未嘗  
不共患如轍者

悍之族。非德化所能轉移者。必放出巨手。痛加剪除。此  
時人心已歸。線路已熟。乃用獵人之法。出其不意。擒其  
最惡。有敢執械抗拒傷人者。格殺無論。如是嚴辦三五  
鄉。而餘鄉有不畏威懷德。令行禁止者乎。余前在南雄。  
卽用此二法。雖雄民之蠻。不似潮州。而械鬪搶擄之案。  
亦每歲不下數十。其打巡檢。毆汛官。層見疊出。余嘗帶  
兵拏犯。頑民竟敢拒捕。槍刀若林。大呼而出。余命點放  
排槍。頑民乃退。率兵圍拏。如是者屢矣。雄民之蠻。去潮  
州能幾何哉。惟不畏難。苟安。是以終能治之。而且羣焉  
服矣。故曰。天下無難爲之事。惟在得人。天下亦無易爲  
之事。惟在實心。果以精心果力行之。未有不底于成者。

而粵東治理。惟以轉移關風爲第一要務。故作此書。以  
勸同官。亦不過大略言之。若夫神明變化。存乎其人。且  
恐所言不當。尙冀同心贊助。啓我之蔽。繩我之愆。俾關  
風日漸止息。稍塞余責耳。嗚呼。安所得鄭子產漢龔黃  
尹虞之倫。相與從事於嶺海閒耶。余將瓣香奉之矣。

瘦石山房筆記

陸向榮

余任揭陽。思弭械鬪之法。博訪周諮。得其要領。潮俗以  
強欺弱。以眾暴寡。睚眦小怨。釀成巨案。雖爛匪粵俗凡  
法者。謂從中作祟。實由主謀者有以授之柄也。治之之  
法。不能不追究主謀。而族大勢強。官欲措手而不可得。  
惟以未事之先圖之。使強房不得逞其主謀。庶爲清源。

之要。所謂強房不必富戶有功名之人。其人本非善類。而爲爛匪之所依附。爲之牙爪。聽其指使。如此人得受箝制。爛匪無不聽命。鬪案即可消弭。是以數月諮訪。將各村所稱強房姓名一一登記。卽將此等人設爲族長。黨正。如果約束有方。通稟給予獎賞匾額。倘有鬪案。惟若輩是問。紳士等咸以爲切中治法。上稟舉行。余旋調南武。不獲責效。爲可惜也。潮屬情形大患在官民不通。良民畏官。躲避不出。爛匪不畏官。橫行鄉曲。及至釀成事端。緝獲爛匪。十不及一二。而良民已受害不淺。然甘心受此荼毒。仍然庇匪如故。可深慨耳。

治劫盜議

鄭振圖

古稱亂絲必斬。亂民必誅。然不得其緒而理之。絲可得而斬。民不可得而誅也。漳泉搶劫。由來久矣。而漳甚於泉。今知所以治漳。而泉亦無弗治。夫漳民之行劫也。始則郊垌。繼而城市。茲則直入衙署矣。始劫貨物。繼而地丁。茲則顛越官府矣。劫徒雖眾。必有爲之窟穴者。爲之線索者。自烏鴉全破案而役之惡彰。自高連升破案而兵之罪著。役勾結而奸民附之。官之左右皆盜也。明火執仗而來。結隊成羣而去。其來也重關疊柵。如入無人之境。其去也明目張膽。毫無失事之虞。且苞苴多。寡囊橐之盈虛。一一皆灼知其數。此而不治。得毋木偶人乎。生童之慮。試也。防護皆撥兵。何況行旅。單丁之往來也。

被擒皆勒贖。何況資囊此而不治。尙謂有王法乎。且劫與鬪互爲其根者也。劫不能治。何有於鬪。今之治者。比差役而已。設防邏而已。其事與出關移立賞格同一具文。而非要領之所在。厯考前史。如蓋寬饒。趙廣漢之治京兆。發奸摘伏。如神。朱博之治渤海。韓延壽之治潁川。虞詡之爲賊縫衣。李崇之令村置鼓。捕盜方略。驟難僕數。未聞束手無策。坐聽考成者。凡治盜必先治近。近莫近於城署矣。有鎮道有府縣。有丞倅以下諸員。兵役累千數。乃入重門如帷闥。掠公私如取攜。視百職庶司如兒戲。蓋積年以來。未聞稍失利。故玩而橫。橫而無顧忌。此正奸徒授首之秋也。今之防盜者。欲麾之使去。吾意



欲招之使來擇形勢之地使人攜百金入室故露囊以  
示之漏夜數十刻劫者必至既至而室中之伏發市中  
之伏又發要隘之伏又發其漏網者幾何矣既擒而斷  
其眼用藥藥然蒲伏則一獄吏事也所難者設伏之人  
皆吾心臂耳平昔擇勇敢之夫撫之以恩信遇之以腹  
心累月經時驗其志氣不致爲賊用而爲我用則事密  
而力堅伏始可用嘗試一二次雖夜關不闔不敢闖然  
人也內賊清而外盜亦漸散於是廣募閒諜雜入賊中  
使其住址姓名狀貌衣服皆有暗記其入市偵探者邏  
卒捕之避居村落者發兵捕之以自首散其羽黨以購  
線得其逃遁近而旬月遠則經年而城鄉之盜息盜息

而鬪亦息矣。蓋人情恆奪於先聲。而奸頑必沮於懲創。未嘗治之。而以爲不可治。則其勢愈張。一遇創深。則羣相震慄。而自爲恐嚇。久久兵役之黨。不惟不與盜首尾。並樂爲官耳目。以圖見功。自古詰盜止奸。皆是術也。若求其本。則惟季孫之於莒。僕臧孫之於邾。庶其言可思也已。

### 治盜賊

胡衍虞

盜非可徒以刑訊治也。未起時當知所以弭盜之法。方發時當知所以緝盜之法。既獲時當知所以審盜之法。三者備而賊盜庶乎少息矣。

### 弭盜之法

盜賊無不起於饑寒如有  
司能勒行勸課家給人足  
不致強盜而盜自弭幸勿  
以戕事爲迂圖也

一重農事民之爲盜大率起於游惰迫於饑寒州縣印  
官窮厯田閒勒行勸課若營其家計者然則民知務  
本不至以游閒爲非家有積儲不至以饑餒生事矣  
一嚴保甲南頓巡撫佟匯白先生諱國器關東人弭盜奏議云  
弭盜莫如保甲第實行則事理民安虛行則事煩民  
擾夫盜也豈能不與人同里而居朝夕相見乎彼生  
理經營里人有不知者乎所與交遊姓名面貌里人  
有不識者乎縱在孤村豈無親戚鄉黨往來乎縱屬  
流寓其來蹤去跡居停主人有不熟悉者乎若以鄉  
甲之法實在舉行如有一人爲盜則闔約舉發如有  
一人非盜而被盜誣扳則闔約保救惟鄉甲廢而盜

賊敢於公行。鄉甲廢而盜賊始有淵藪。鄉甲廢而被劫。無聲援。鄉甲廢而真盜無舉首。鄉甲廢而被盜。振誣不敢保救。此盜風所由日熾也。鄉甲之法嚴。則奸宄無處容身。天下不憂不治矣。

一禁賭博。關西守憲李含馨先生

諱月桂  
蒲陽人

禁賭博示云。

農工商賈各職其事。財用於是乎出。衣食於是乎充。庶幾家給人足。以成熙皞之治。有等游閑無藉之徒。不循本業。專以賭博爲生。每每結黨成羣。煽誘良家子弟。窩賭騙財。惟圖自己煖衣飽食。不顧他人敗產傾家。不肖子弟。一墮術中。率皆迷而不悟。不死不休。以至窮餓其父母。凍餒其妻子。親友姍棄。鄰里譏彈。

物今書車要九  
且賭窮爲盜勢所必至。越理敗行。何所不爲。迨至犯  
法亡身。悔何及矣。

一禁遊獵。大梁巡憲沈繹堂先生

諱荃松江人

云。近訪各屬

地方。有種浪子。游惰不勝。耕作專事。般游。或持鳥槍  
而走城市。或架鷹犬以入山林。借打獵之名。爲資生  
之策。每見出入無常。其實形蹤閃爍。今請申飭各州  
邑。嚴諭保甲。凡鄉村中有此等。川鳥槍架鷹犬者。盡  
行開報。當官試驗。如技藝果精。卽當收入民壯之列。  
量給衣糧。卽令巡緝道塗。擒拏賊盜。以羈其身。倘有  
不肯改業。仍舊胡行。該鄉鄰保。立行舉首。收其槍械。  
嚴逐重懲。蓋利器不可以假人。而防奸不厭其過密。

也。

一禁私宰。不特重農。且可弭盜。湯鍋私宰。卽盜牛窩家。欲清盜牛之窩庇。禁私宰之湯鍋。先究勾通之吏役。

鄉保。

此條見作吏要言附錄於此。

一逐娼妓。江南總督于北溟先生。

諱成龍山西人。

云。江南民風。

澆薄。游手好閒子弟。每被無賴棍徒勾墮花柳場中。

癡心迷戀。初則蕩產傾家。漸至爲非作歹。且流梟黠。

賊。埋名改姓。托身於游娼窩婦之家。晝隱宵現。結交。

地頭匪類。揣探某某家資殷富。又想劫盜財物。以供。

纏頭。鴿婦愛錢。百計爲之庇諱。納垢藏污。莫此爲甚。

嗣後專著保甲長細查。該地方若有游妓土娼。盡行。

驅逐通限一月之內。另改別業。如敢不遵。保甲鄰佑。卽行公首到官。將龜棍重責枷號。娼婦當官配賣。如有積棍把持。保甲鄰佑通同隱諱不報者。或經官司察出。或被旁人首告。先將保甲鄰佑各責三十板。仍拏積棍與龜棍一同枷號究處。

### 緝盜之法

一伸首盜之令。佟漚白先生云。凡盜賊自首。原准免罪。若大功以上親。及同居親屬。雖無服者。出首與自首同。亦准免罪。此律愚民不曉。故父兄明知子弟爲盜。而溺於情愛。遂致隱瞞。凡爲盜一二次。父兄知之一二月。鄉鄰知之。鄉鄰首盜。其實甚難。蓋官司捕獲真

請盜而致軍盜報復民既  
不敢言矣近年更有事主  
告盜而官不究盜且換押  
事主以勸誡事主之財者  
盜風安得不甚

盜或賊有可疑。嘗十數駁未已。良善之民。出身首盜。  
東奔西走。妨工費錢。萬一審不成獄。不惟白坐虛枉。  
且致羣盜報復。身命俱喪。以難事責之小民。似非情  
矣。惟鄉甲法行。責成甚嚴。則人畏法而不畏盜。盜亦  
讎法而不讎人。以後審實初盜。其父兄應連坐。審實  
久盜。其鄉鄰應重處。

一察爲盜之人。滙白先生又曰。凡不農不商不工不傭  
無恆業之人。與盜近矣。不事生計。恣意賭博。與盜更  
近矣。迨其爲盜。形狀自異。出入無時。潛去潛歸。一也。  
往來多面生可疑之人。二也。常有贏餘費用。不經三  
也。此皆民間之盜。最易覺察者也。邇來爲盜多是逃



賊之來必有蹤跡之去必有跡  
有跡則家酒樓等處即此  
蹤之蹤跡所在也竟其蹤  
跡而賊自不能藏矣

兵冒營伍之裝飾無將領之鈴束地方不敢問捕役不能詰惟有鄉保法嚴流寓必稽則此輩無所容身矣。甚至見在食糧之兵亦有爲盜者傳聞各處禁城居民往往被劫非本弁故縱豈能猖獗至此事發之日該營將領應按軍法處斬

一嚴藏盜之地。先生又云藏盜之地除深山大澤綠林曠聚外其欲劫掠城市人家若非往來窺探路徑習熟豈能突然而來是以娼家酒樓旅店開場窩賭之處皆爲藏盜淵藪庵觀寺院次之誠能信賞必罰勒令捕人不時譏察非但得本地之盜已也四方大盜俱無所容也。

強盜行劫必有聚黨共謀  
處必有窩頭行劫處必有  
分黨散眾處皆以窩爲基  
依此近乃可以爲主五里

一緝窩盜之家。李笠翁云。禁強必先禁竊。究盜不若究  
窩。涓涓不息。流爲江河。小偷弗懲。其勢必爲大盜。故  
於穿窬之獲。究之務盡其法。無論贓多證確。刺配無  
疑。即使偶犯賊輕。亦必痛懲幽繫。令親屬具結保其  
改過。而後釋之。倘以饑寒所迫。四字橫踞於中。草草  
發落。是種大盜之根。愛之適以害之也。至於窩盜之  
罪。更浮於盜。窩縱十盜。勿漏一窩。無深山不聚豺狼。  
無巨窩不來賊盜。窩卽盜之源也。滙白先生云。世  
無窩主。則盜賊何處潛蹤。盜之去來無常。而窩之居  
處有定。盜之蹤跡猶祕。而窩之舉動甚彰。凡被劫之  
處。其盜之窩家。近不出五里。遠至十里二十里止矣。

十里二十里卽高之所  
也故捕盜於遠不如捕盜  
於近捕盜於無惡不如捕  
盜於有據也

蓋強盜行劫勢難遠涉一恐腹饑力盡二恐天明追  
捕豈有劫掠良久分贓擾攘之後自二十里外而來  
復出二十里外而去乎凡盜發後密訪附近地方情  
形可疑之家未有不得盜者此就被劫處言也又有  
久慣窩盜四出行劫仍串通本地之窩爲線索者此  
鄉甲之法不行故也合應著爲法令獲得其實者一  
窩准十盜之賞凡本州縣窩主在別州縣事發者卽  
就窩主所在印官以昏庸參革

一嚴捕盜之法佟漕白先生云捕盜之法除負固連營  
者應官兵剿除外凡往來劫掠出沒無時者惟責成  
於捕役蓋盜賊原捕役之供戶捕役卽盜賊之窩主

捕役即盜之黨主盜夥知  
盜之動靜捕役盜夥二處  
顧宜留心

也。若信賞必罰。法嚴令明。未有不得盜者。又盜之動  
靜。惟同夥知之。當懸重賞。如盜夥之中。有能出首渠  
魁及黨與引領兵役剿捕者。除免本罪外。仍論功擢  
用。則盜黨人人自疑。而有解散之勢矣。

一、慎緝盜之票。佟匯白先生云。凡緝拏餘黨。必填明住  
址年貌。若糊塗橫開姓名。則處處可設牢籠。家家可  
施嚇詐矣。凡審供餘盜時。先要訊明某人年歲若干。  
身長身短。有鬚無鬚。面白面黑。住於某處。一一開註  
票上。庶無影射嚇詐之弊。不然。天下同名同姓之人。  
甚多。其爲詐索。何可勝計。

### 審盜之法

捕役私拷其慘酷有不忍  
言者請嚴禁止嚴密  
訪察至活不少亦遠禍不  
小

牧令書輯要九

三

一禁私拷李鄴園先生嚴禁惡捕線盜板窩示云照得  
捕役誣陷私刑立法甚嚴現行則例內開凡番役人  
等捉獲強盜先送官審不許私刑取供違者於本衙  
門枷號一月責四十板革役如得財反誣陷無辜者  
從重科罪至於妄用腦箍毛竹連根大板及竹簽烙  
鐵等刑致斃人命者以故殺論不准援赦其初招既  
定不許續扳又拏獲強盜於未審之時承問官卽驗  
有無傷痕如有傷卽將捕役詳審照例懲治等因  
國法昭然孰敢違悖詎意奸惡捕役愍不畏死凡遇  
強竊事案不將真犯上緊緝獲先嚇殷實鄉愚指窩  
指盜任意私拏多在深林僻地古廟庵觀空房冷屋

之內。非刑弔拷。五毒備至。名爲做索。言之慘不忍聞。當此生死呼吸之際。何求不得。隨所意授。矢口招承。清白無辜之人。頃刻卽成眞盜。於是恣其勒索。傾家蕩產。賣子鬻妻。無不飽其虎吻。乃復公然私放。又慮事後告發。故當弔拷之時。逼勒親供。畱爲左券。使被害者備受慘苦。緘口難言。若或詐索不遂。卽行拷勒。口供爲憑。裝點私贓。嚇令到官。照供直認。少有更改。倍加嚴刑。嗟此蚩蚩之民。心膽墮地。只顧目前。暫緩痛楚。含糊供認。地方官以獲盜爲幸。以奸捕之刑拷勒。供奉爲金科玉律。冀圖結案。誰肯細心推勘。卽司府各官。拘泥初招。亦不暇更端平反。孰知差之毫釐。

失以千里無辜之民。憑空枉陷。有案未結而拖累瘐死。卽開有一二招雪。而身家早已破碎。及至眞盜就獲。則又勒屬扳窩株連。妄指統兇肆捉勢。若抄家搶劫。姦淫橫行。蔑法言念。及此奸捕之惡。罪不勝誅。除一面密訪嚴拏。從重究處外。合行嚴禁曉示云云。笠翁云。強盜初執到官。當察其私下受拷與否。倘見有負傷甚重。神氣索然者。則宜平心靜氣以鞫之。且勿遽加刑拷。何也。以其正在垂斃之時。求生之念。輕緩死之念重。非責其供吐之難。責其供吐必實之難也。霽威曲訊。密視再三。彼眞情不露於言詞。必露於神色。凡此皆以保善良。非以護盜賊也。

慎初審。河南臬憲李毅可先生士植云。強盜以初情  
爲眞。緝獲之日。立時研審。務先問其賊首窩主引線  
同盜若干。某人某處造意。某年月日某家劫財若干  
或殺傷幾人。何人下手。某某用何器械。某某各分賊  
若干。賊仗現存何處。再詳查盜口所供。與失主所開  
失物傷痕相合。隨即專委捕官帶領捕役起賊。不得  
稍遲。以致轉換。其續獲各盜。亦隔別研審。口供情形  
贓物一一相對。卽是同盜。但不許令其先知前賊口  
供。恐畏刑妄招。果屬扳誣。當卽開釋保候。毋得枉死  
人命。又云。審賊以慎密爲主。凡賊初拏獲。不許在  
外久停。滋弊。到官卽擇深邃之處審問明白。所云停



勒屬板橋樑通安折其書  
之烈較毒蛇傷尾爲更甚  
格云云若果見係好結果  
除正盜案外同化有同當  
將之訟庭以資警戒

宿長智洵非虛語。況從來無無窩主之賊。亦無不通  
衙役之賊。未審明白之時。尤不許衙役出入洩漏。使  
餘賊知覺潛逃。然審時亦不許徒恃刑法。須察言觀  
色。推情詰問。更在隔別。開有供報同夥姓名。亦查眾  
賊口供相同者。姓名年貌住址一一註明。卽時出票  
分差往拏。限定時刻到官。仍前隔別嚴審定奪。

一慎扳誣。佟瀝白先生云。凡獲一盜。未有不令供招夥  
黨。初獲之時。神魂無主。情實易露。亦有狡黠之徒。故  
將睚眦之讎。誣扳數人。以脫嚴刑。問官不知。卽有落  
筆附卷之害。據彼口說。信筆填寫。招房輒黏連附卷  
以圖勾攝取錢。此票一出。捕役上手。誰敢嚮邇。此單

一經黏卷。凡有姓名者。卽爲盜案中人。辨得清時。身家不可問矣。全在問官細心辨其聲口。察其情狀。蓋眞僞之情。辭色自別。虛捏之語。辨問則窮。我多方以辨之。則掩護之術不及卒備。我隔別以訊之。則無情之語不及會同。如果情節眞正無疑。此單方可附卷。若是覆答差謬。其中必有讎扳。玉石不分。最爲大害。故審盜有司。切不可參差供單。草率附卷也。笠翁云。每獲眞盜一夥。必害良民數十家。猶之衙蠹之中。有一人被訪。則親屬與讎家皆不能安枕。非慮扳贓。卽防胎禍。同一轍也。故官長於盜賊之口。只宜抑之使閉。不當導之使開。卽云盜夥未獲。眞贓未起。難

能如此存心則民定盜  
者少矣彼等盜者  
所以無所忌者  
無存心當用何等

以定招結案勢必責令自供然於此時此際亦當內  
存不得已之心外示無可奈何之色每聞供報一人  
必詳審數四而後落筆但以又害一民爲憂勿以又  
獲一盜爲喜蓋於初獲之首盜尙慮其冤而多方軫  
恤何況由幹而生枝由枝而生葉者哉近日世道澆  
漓人心不古良民供吐之言尙不足信何況天理蔑  
亡良心喪盡而爲盜者哉

一慎審賊佟滙白先生云盜以賊獲失主認爲定案然  
而執賊論盜往往失真每見一招之中盜數多者嘗  
二三十人某人分某物一一分明種種招出未嘗不  
歎鞠獄者之膠柱也今有雜物數十以二十人分之

數日後問所分物各自言其所分能不爽矣以一人而言十九人之所分能一一不爽乎況盜皆烏合之眾當昏夜之時作倉皇之事能以一人備記某人分某物乎此皆沿習敘招格套而不近情理者也究所分贓嘗云花費無存夫以真贓花費而無憑坐盜誰不曰花費無存耶凡盜情未確者則當審其贓歸何處賣於何人若夫盜情既確則不必待贓以定獄律稱但得財者斬謂一人得財則同行者皆斬故又稱同行而不分贓分贓而不同行皆斬也今定獄必拘於贓則真盜以無贓得脫者多矣又李穀可先生云盜賊以贓仗爲憑起贓必須捕官帶領捕役公同

起獲到官。即便查對失單。並喚失主揀認。每審盜案。失單多有不清。或因受傷倉卒。未能逐件全開。但有對明失單之賊。其餘賊物。仍許臨時酌量聽其識認。暫寄庫內。以防侵隱。抽換紊亂。疑似等弊。解報撫院。之後。卽令失主領回。分別具領。領狀入招。失主釋放。回家。凡有寄贓之人。審不知情。亦便保釋。以省拖累。一辨情跡。李毅可先生云。強盜務須得其強狀。必先問其果有明火器械。劫財殺傷等情。如竊盜搶奪。及謀爲強而終爲竊。謀爲竊而終爲強者。原情按律。各有正條情律。此外如有繁冗舛錯。口供須前後刪正。明妥。弗得混亂。礙難結案。

一用矜疑笠翁云強盜殺人之律止於竿首實是千古恨事常有一盜而手刃數人至數十人者卽除爲盜弗論而以命抵命其罪浮於律之分數亦相倍蓰而無算矣況有劫財燬室之強形拒捕抗官之逆狀甚有姦掠並行俾事主之家巢卵俱空身名交喪者無一不堪寸磔而其罪止於一梟豈以此輩之肉爲不足食故於一死之外遂不復致詳歟倘於此等重獄猶勸當事者予以哀矜則不特爲婦人之仁置是以放虎縱狼爲義散鴆施毒爲恩矣其有止於劫財而未經殺人放火及姦淫者始可用吾矜疑一念推詳其入夥之由審究其上盜之實以贓之有無定罪之

出入如賊。眞罪確萬無生理。雖屬饑寒所使。亦難貸以國法。所謂如得其情。哀矜弗喜者。蓋爲此輩言之也。或上盜而未得賊。與得賊而無主認者。皆可開以一面。非故縱之也。蓋以後世無恆產之授。不能責其必有恆心。兼以保甲之法不行。或行之不力。令此輩得以藏奸爲上者。亦有過焉。不得概罪斯民也。但此輩原屬無良。止可待以不死。勿遽與聞籠使得脫。然事外隸入胥靡。投之有北。俾狼心有制而不逞。鷹眼雖捷而難施。庶善與惡兩不相妨。而解網之仁不致流而爲暴矣。

弭盜要法

田文鏡

一城垣宜修葺也。凡有雨淋殘缺，設法修築堅固，并查閱四面，如有可踰越之處，多置棘刺，仍添設窩鋪，多撥人夫，擊柝鳴鑼，每夜往來週巡，無倦。早開晚關，以嚴啓閉。

一倉庫監獄重地，宜嚴加防範也。除庫吏收書倉房斗級提牢獄卒，照常令其守宿外，每夜必須多撥營兵槍手民壯更夫，并有堂守門皂隸輪流看守。該州縣於夜長寒冷之時，多置草薦，捐給油燈，令其徹夜防護。每夜令將派值之人開單送閱，仍不時親身查點。勤者量加獎賞，倘有該班不到者，即行究責。

一城內大街小巷關廂鎮店村莊，俱宜安設柵欄也。其



柵欄木植必須堅固鐵搭鐵鎖必須牢壯早開晚關。每柵一座夜則撥夫五名擊柵看守以司啓閉。至於各處圍牆應修築者督令本處居民協力修築務期高厚堅實。

一各處夜巡宜多設梆鑼也。梆聲不能聞遠必須鳴鑼。酌量人戶令其公備力不能多備者官爲捐給令上首巡夜之家交明下首每夜如是如上首無交卽令報明鄉保稟官究治仍令賠償一遇有警連聲敲擊附近村莊一齊鳴鑼接應如古人村鼓之法此所謂守望相助也。

一印捕汛官宜夜巡也初更方起勿庸虛應故事自三

必如此方無負巡警之名  
若於一二更及晴明之夜  
大輒高燈入役據稱只顧  
權權口能查何事

更以至五更。此其時矣。月暗天昏。風寒雨雪之夜。更  
爲緊要。至官出巡夜。亦自有法。如或豫行吩咐衙役。  
則必早爲聲張。彼皆豫備。巡亦無益。必須小燈快馬。  
多帶家人隨役。出其不意。則怠玩者無從措其手足。  
因而責警一二。人人畏法矣。遠處大小鎮店村莊。官  
不能到者。責在鄉地。

一紳衿本身固當優免。上下各衙門書役。一身不當二  
役。亦應豁除。至於子弟家人佃戶人等。概不得庇護。  
不出俱令與民一體輪值。蓋小戶貧民家藏有限。不  
足以招盜賊。盜賊所劫所偷。常常在大戶。貧民之出  
夫爲大戶守也。大戶之出夫自爲守也。此處不可不

知如有大戶抗不輸值鄉保徇情開脫或受賄隱匿官爲清查詳究

一各省流民必須嚴查驅逐也逃荒難民負擔而行必攜妻抱子其鳩形鵠面不辨而知至於精壯後生而目兇惡或假裝行客結夥聯朋或借名遊方打拳賣藥或肩無行李棲宿破窰空廟或牽猴拉犬假作乞丐窮民此等形蹤詭秘最易物色鄉地保甲一有相遇卽行盤詰街坊諸色人等亦應公舉立爲驅逐務令出境遠去不得一刻容留

一本地賊線不可不嚴加查捕也強盜卽無窩家必有賊線烏合之眾若無本地之人爲之牽線不但路徑

不熟亦不能深知誰家殷實焉。能爲盜而賊線之所  
在。斷不能瞞過捕役。欲杜盜源。先除賊線。欲除賊線。  
先嚴捕役。務必著落捕役。協同鄉保。嚴加捕緝。不許  
徇縱賊線。遠颺一境安然無恙矣。

一選擇捕役。當定有責成也。捕役原與盜賊一氣。若不  
與盜賊相通。不能爲捕役矣。盜賊不投拜捕役門下。  
又斷不敢入其境矣。務須挑選年力壯健。幹捕。又必  
有家屬之人。將伊妻子家口。并原籍住址。編造入冊。  
取具同班夥伴。連環保結。方許充當。分路承緝。其應  
管地方。但有鼠竊狗偷之事。卽著落該管捕役追尋。  
務必贓賊並獲。免其責比。其捕役家口。官爲設法養

贍若能緝拏盜賊到官者分別名數照例給賞蓋捕役專於緝捕不比皂快兩班凡催糧行杖承票出差各有規例故必須酌給工食使無饑寒之累不然即養盜以自贍也至捕役住家之處又責之鄉保地方鄰佑倘有匪人出入其家即行密稟拏究

嚴查窩家使無處棲身也盜賊之竊發若無窩家便無托足之所其引線探路起意商謀取齊分贓必有藏匿去處方敢肆行無忌若不嚴拏則盜根不清而欲拏窩家又當責之鄉保鄰佑民壯捕役蓋境內有窩賊之家此輩無有不知而不肯生做冤家者皆由地方官賞不行而罰不嚴也如不論諸邑人等有能

出首窩家賊證確實者。照例重賞。容隱不報者。按律連坐。則人自不敢窩賊。而賊亦無從托足矣。

一訓練民壯使協力巡捕也。不

旨。每州縣設立民壯五十名。給與工食。使之學習弓矢。烏槍。以資捍禦。法至善也。地方官當挑選年力壯健有家口之人。亦照捕役編冊取結。使之充當。設法捐製器械。勤加訓練。俟武藝嫻熟。令其分管地方。專以責成。彼此聲勢聯絡。照應。一方有警。羣起相助。分頭追捕。平日在所管地方。協同鄉保營兵。捕役嚴行稽查。如有匪類入境。卽行拏解。倘肯專心學習技勇。捕獲多賊者。地方官據實詳明。本部院從優獎勵。其

懶惰玩法者。卽行責革。另募頂補。若所管地方失事。與捕役一同嚴比。

一寺廟飯店。當嚴加查察也。此等去處最易藏奸。僧道實意焚修者。固不乏人。而無籍惡少。托跡於黃冠緇衣之流者。亦復不少。此輩形蹤詭祕。更難稽查。須責之僧道官。嚴加盤察。如來歷不明。卽行稟官驅逐。倘敢徇容。一經事犯。僧道官一併責革。仍著落追拏。其無僧道破落空廟。著卽行拆毀。完固者一概壘塞。至於飯店。當嚴出告示。設立循環簿。朔望例換。卽於同街開店之中。挑選一人爲店頭。使之經管其事。約束各店。凡有客商到店。務須盤問來蹤去跡。詳登簿內。

倘無行李面生可疑之人。概不許容留。安歇早關店門。天明放行。如敢故違。按律究治。

一高臺囉戲。應嚴行禁逐也。查得豫省每於集鎮衝要處所。紮搭高臺。演唱囉戲。動輒三五日不散。戲臺之旁。開設酒鋪飯棚。各處匪類。聞風羣集。白日當街賭博。黑夜行竊。行強。捕役得錢。故縱鄉保。徇情不報。惡習相沿。不可救止。況此等戲子。並非梨園子弟。業在其中。不過遊手好閑。一時烏合。有令即聚。而唱戲無戲。卽散。而爲盜。故多養於捕役之家。該地方官嚴行禁逐。以絕盜源。如敢故犯。立將行頭。儲庫。嚴拏爲首之人。究治。倘有不肖紳衿。并各衙門書役營兵人等。



從中阻撓卽行指名詳究。

生今書車

三

一公舉密報之法宜行也。如一人爲盜。鄉保地鄰羣起而攻。一家被誣。鄉保地鄰連名而保。兵捕豪棍有養盜窩盜者。並許開明住址姓名。赴官密稟。官亦將原稟之人姓名代爲隱匿。惟密傳民壯親身率領擒拏。如迅雷不及掩耳。毋得偷安不出。轉委捕官汎弁。仍差兵捕拘緝。展轉遷延。以致窮縱。擒拏到案。亦止嚴訊該盜確供。追起真賊。不得令公舉密稟之人對質拖累。如賊真情確。卽將公舉密稟之人分別密賞。倘仍不肯公舉密稟。地方官自行查出。鄉保地鄰以扶同徇隱之罪罪之。如或夾仇捏報。以誣良爲盜之罪。

罪之庶兵捕豪棍不敢養盜窩盜而盜風可息矣。此條另有檄文今附於此

緝捕

栗毓美

匪犯宜隨時訪拿也。州縣爲親民之官，除莠安良是其專責。惟兇橫之徒，愆不畏法，任意滋擾，被害者畏其報復，不敢舉發。甚至指告到官，亦視爲並無重情，輒以薄責了事。此姑息所以養奸也。況必待告發而後懲治，已屬不及之勢矣。夫水懦民玩，火烈民畏，寬猛原應相濟。同一地方也，何以易一官而賊盜肆行，又易一官而催苻悉化？總在地方官以民心爲己心，視民事如己事，隨事隨時，隨人隨地，畱心察訪，凡不

安本分之徒不待民閒指告卽設法嚴拏查辦獲一  
賭犯卽追究同場夥犯並究問案外不同場之餘犯  
獲一盜賊卽追究窩夥盜賊並追究案外不同夥之  
盜賊並鄰境所往來之窩夥盜賊獲一捻匪卽追究  
同夥捻匪並究問案外不同夥之捻匪鄰境所諗知  
之捻匪則因一人可追出數十人不必一一差拏自  
然聞風而息若一味因循怠忽畏難苟安無怪乎盜  
賊棍徒肆行擾害良民不能安堵一旦失事輒議添  
卡房增經費空言塞責不知旣玩忽于平時復懈弛  
於事後雖多設卡房廣籌經費庸有濟乎此實力訪  
拏爲鋤奸戢暴之一法也

州縣宜不時赴鄉巡查也。凡鄉鎮集市人煙輻輳商賈雲集之地皆匪徒往來遊弈滋擾之區雖責成地保稽查路捕巡緝而地保開有得規包庇者路捕亦有坐地分贓者甚至有路捕招集遊民聚賭窩賊擾害閭閻者若非親身赴鄉留心查訪究辦鄉民何敢指告即使牌甲人等有稽查之責亦斷無不自保身家畏其報復者至州縣爲親民之官所轄地方何處爲向來匪徒滋事之地無不知之最確全賴地方官不時赴鄉於接見紳士父老時屏退左右虛心密訪凡有見聞卽設法嚴密查拏究辦仍不可稍涉張皇使紳士父老異日受報復之累自可收盜息民安之

效並可順便抽查保甲勸諭鄉愚凡從前習教滋事之處皆可隨時剴切化導使邪惡無自而生則與民相親民隱無不週知下情均可上達並可免胥役差保蒙混之弊

一鄰境州縣交界地方宜按月會哨也州縣各有專汛而地處鄰封實以唇齒相依有能約束本境匪徒而專受鄰境之累者有因本境查拏認真竄入鄰境滋擾者皆地方官耳目未周聲勢不能聯絡雖聊固吾圉終不免匪徒潤跡其中且交界處所最易藏奸此拏彼竄不特匪徒恃爲藏身之固卽兩境地保亦各藉詞推諉迨經事主指告差拏而差役又畏難苟安

臥票不緝。遂致匪徒肆無忌憚。此養癰所以成患也。應責成各地方官實力巡防。如交界地方查有匪徒潛匿。卽彼此密會堵拏。則巨猾無從免脫。邊界自然肅清。仍約期按月會哨一次。以壯聲威而杜逃竄。一文武宜協力查拏也。地方匪犯滋事。凡武職例有處分者。皆有緝捕之責。若不協力查拏。往往兵役無多。釀成拒捕重案。惟武職廉俸甚微。經費無出。每於下鄉之時。應由地方官捐給盤費。俾得協力共濟。則跟跡掩捕。自能奮勇爭先。匪徒不致遠颺。

### 設卡房建柵欄

徐文弼

在各鄉橫直五里內。聯絡各村。於要路總會共建一卡。

房令同卡各村各編一戶丁清冊。又合各村所編彙爲一冊。謂之同卡冊。其各村人戶。每十戶爲一牌。以居首者督率十家。謂之牌頭。即十家就同卡各村人戶合舉二人管理卡務。謂之卡長。即白家保正就通鄉各卡人戶合舉一人總統十卡。謂之鄉長。亦稱鄉約。即一鄉保長以次相統屬而行守望稽察諸政焉。村外有盜賊則協同追捕。村內有奸匪則互相稽查。夫盤詰不出於其家。防護不出於其村。是一家一村之民各自爲衛。亦互相衛也。其卡長鄉長等必選擇而任之。其設卡事務必專紳士富戶經理之。曩於甲申荒後。行於本邑。值制府差營員拏鄰封盜賊。擒獲數輩。供稱由某鄉自某縣竊取某處某

凡屬地方爲民興利除弊  
之事衙門人等可用者  
此輩只知作孽欺騙本官  
亂索百姓而已

賊惟永川縣各處設立卡房未敢入境錄供申報督院  
通行檄知在案此設卡之成效也凡行此法第一切要  
在諸事毫不經由書役如建造卡房止須親行指示查  
勘絕不經由工房如編造戶冊止須卡長鄉長當堂呈  
送給領如有裁酌商定亦回稟面諭絕不經由戶房如  
點牌頭充卡長止須當堂呈報絕不經由兵房凡諸事  
件但令該房等值堂伺候隨時聽命而已卡房既設於  
四鄉本城及各鄉之鎮場墟集又建造柵欄使兼行保  
甲與各鄉之法無異四鄉各卡舉有卡長爲專理各鎮  
場墟集則舉客長爲總司而皆統於本鄉之鄉長合而  
論之以編造人戶爲首務以慎選鄉長爲綱領官司無



庸張皇民間可不煩擾行所無事願賢有司三致意焉。

### 警盜

黃可潤

余令無極時。每上省入郡。或辦差歸。至境不數十里。而候人已至。從役未嘗先期也。怪問之。曰。聞鐘聲來耳。蓋村各有廟。廟皆有鐘。官至則撞之。盜發及殺傷人。欲捉其兇。亦撞之。此鄉撞而彼鄉接。頃刻聲聞數里。惟官至則擊者舒至七楹而止。盜與命則擊者急而無算耳。余謂此古人設鐘警盜之遺法也。適余辦理金川。派車之役尉亦他出。時米貴而多盜。又值天寒。余乃召所設練長二十人。素用以查奸匪。課栽植者。令撥鄉壯就兩鄉相距之中爲界。彼此交巡至界。日凡兩次。手持鐮。遇盜

親曰齊祭等捕良法是以  
敕令最重在於

至則擊之。鄉聞鐃聲。急撞廟中鐘。四下伺之。果獲盜。持鐵鉤。伏高梁內。欲劫賣布者。又一起。追至鄰境而逸。官出差於外。而境內甯謐如故。古人之法。裨於後者如是。推而行之。則監司之任也。

緝捕

王鳳生

緝捕之法如陸路則街巷衛以木柵捕保分段支更水路則橋梁設以柵欄巡船分頭夜緝官雖禁令綦嚴役只奉行故事必須官爲躬親督察出入無時役之飯食燈油絲毫無累仍按其所巡地段半月一比分別有無被竊明定賞罰章程庶使畏法知恩各嚴守望至各衙門捕役大率參賊而不能拏賊爲害閭閻殊堪痛恨然

不獨捕役宜代為養贖凡衙門辦公人等宜代其入而後為食乃為正本

推原其故捕役一項俗不雅其鉤攝公事工食而外別無調劑之方面緝賊之往來船飯購線錢文一有舉動即不無所費且經該管衙門提比又須打點上房代為捺閱甚有擬罪應行勘轉之犯解府解省在在需錢向只於該役工食內借領令其自行設措宜乎捕役之獲賊適以自擾非參賊不足資生也惟在代為養贖確詢其家口人數立冊開載按月按名酌給錢米遇有應破要案需用購線之資令其忖量若干官先照數給發喚內面諭如不獲犯除將此項追繳仍予嚴刑重處至一切解費悉出於官俾無所苦後繩之以法捕役俱有天良豈無感悟倘再怙惡不悛真之死地何憾焉

使令下人游使備服役供奔走而已若令得知公事不但緝捕通信逃脫一切罪惡藉端借此而生其害行不止此其敗壞已也

# 瘦石山房筆記

陸向榮

緝捕貴密而走漏消息者卽在使令之人往往當事者未知而其下使令之人已先知之非瞻徇情面卽得賄縱放迨奉密捕已在遠颺之後全在平日嚴明使人知所忌憚不敢洩漏臨事措置有方予以不測若輩無所施其伎倆庶幾得緝捕之要矣

## 清賊源

王鳳生

異房專羈賊犯不可令與管押人雜處并於冬令將各鄉之蔓經犯案刺匪拘而置諸此地按日每名捐給口糧鹽菜一分爲之打掃潔淨多置草薦免其凍餒另置一簿註明收押月日不時親往抽查勿令出外則肆竊

之風亦可稍靖。然此特暫行之法。而未足以清其源也。惟賊匪有犯罪止杖枷者。務於發落之先。確切查明其家屬親戚。尚可收留。即傳到案。具領嚴加管束。勿令復竊。倘敢不遵。准予隨時稟究。提押翼房。不使受累。如實無所依。或雖有族戚。亦不相顧。則交地保收管。設法安置。并彙置一簿存儲稽考。每屆朔望。統令該保帶城聽候點卯。將逐名作何生業。是否改悔。一一稟明。其有該犯雖知悔改。而苦無生計。即當堂酌給每名錢一二千文。交與地保作爲肩挑買賣資本。仍按卯帶縣查點。察看兩年。心果堅定。准其親屬地保切實保結。令其安業。即於卯內除名。倘領錢之後。濫費朋分。仍復爲匪。一經

覺察定惟該保追賠重究。賊則羈於翼房。決不復放。惟  
簿內各犯雖係舊匪。然既經分別交管。冀其改過自新。  
必須當堂諭禁捕役。毋許再向索規。以免受累而自棄。

### 捕緝

何耿繩

凡脫逃要犯。務將該犯年貌籍貫。有無鬚痣。詳細開明。  
行文通緝。各州縣於文到之日。差捕認緝。一面填寫  
印票。分給各鄉總甲訪察。如果無蹤。年底取結轉詳  
咨部。

凡廣緝重犯。不得濫給緝票。先將該犯年貌案由。並差  
役年貌籍貫。及所差名數。一面詳明督撫。知照各該  
省。一面改用通關。給與差役攜帶在身。密行偵緝。如

有蹤跡卽將通關呈報地方官添差拏解如緝無蹤跡仍投換回文以爲憑驗毋任差人催倩白役代緝以及藉端勒索諸弊

凡逃回原籍之軍流人犯本籍地方官於咨緝文到日卽將該犯親屬鄰保人等逐一審問根究下落如果未逃回卽取確實供結詳請咨送刑部及配所省分存案仍不時偵緝

凡交界地方失事探實贓盜之處無存隔縣隔府隔省之見一面差役執持印票密拏一面移文關會拏獲之後仍報明地方官添差移解其一應竊匪窩賭窩娼等類有竄入鄰境者亦照此例辦理若係尋常

質對人犯則須關會地方添差不得用此例擅拏。凡鄰縣關提人犯限文到二十日拏解。若逾限不發議處。若聽信地保差役捏稱並無其人。並久經出外空文回覆。指不發人者。上司行關移督發。

### 備武

兵可百年不用。不可一日不備。太平之世。文恬武嬉。偶有不虞。輒致束手。問此時所爲教者安在乎。所爲養者又安在乎。刑以齊民。兵以衛民。其所以輔刑卽所以輔養與教也。豈修文事而可弗講武備乎。

### 練兵修築四事

### 方積



操練鄉兵以備堵截也。各州縣非無鄉勇之患。有鄉勇而無訓練。實與無鄉勇等。梁山縣招募鄉勇共七千餘名。除陸續奉調及裁汰不計外。近存四千餘名。廣延精於藝者三十餘名。教以鳥槍刀矛等技。蓋操演之法與臨陣之法同。鳥槍在前。刀矛在後。鳥槍不精。則臨陣手顫而發必不中。一發不中。勢必棄槍而走。刀矛手亦因之而驚。故必精鳥槍以收刀矛之用也。刀矛不精。不但刀矛手不敢近賊。鳥槍手無可恃之人在後。其技卽精。其心不定。賊徒驟進。亦必棄槍而走。故必精刀矛以收鳥槍之用也。現在日夕操演。十月於茲。近復製硬弓四百餘張。及藥弩三萬枝。以

爲伏路守險之用。各義首鄉勇等自顧身家亦頗知用命。並時時勉以大義。效以作坐進退之方。邇日察看情形。似尙可用。如果賊人窺境。定當竭力堵剿。斷不致退縮遷延。

一修鑿城池以定民志也。縣城爲四鄉居民之望。城中小有驚疑。則四境亦聞風而怯。查梁山縣舊城高僅盈丈。兼以無濠可恃。恐愚民無識。易起猜心。現將縣之舊城。普加三尺五寸。平處俱挖長濠。傍山險處。修削益令陡峻。城工浩大。用度不支。既未敢請領帑銀。而當此軍需浩大。民力困敝之時。更不敢重勞民力。除將本年廉俸全行捐用外。復傳集本城殷實紳耆。

約保人等明白曉諭。旋據捐石捐木出米糧者絡繹而至。卽令捐助多而人品正者分董其事。所有出入一切不用一家丁一書役經手。其閒是以用費較省而成功亦較速。雖邇日工價合計尙欠三千餘金。自當妥爲辦理。斷不致絲毫有累公項。城內小山甚多。俱於阨要處設立礮臺。白鑄威遠礮六尊。以備轟擊。其餘存城傍山礮九子連環礮共四十餘尊。鳥槍約九百餘桿。火藥約一百餘石。鉛彈足用。刀矛軍器約五千餘件。俱係自爲製備。其外卡鳥槍軍器尙不在此數內。

一設法儲糧以備緩急也。縣內常社兩倉共收儲穀二

萬石有零除奉文碾運軍米及支發本境鄉勇口糧外現僅餘穀一千二百餘石倉廩實爲空虛設有緩急之用真不足恃再四思維無可爲計昨經普諭附近城郭居民令將存穀餘石先事運儲城內設使賊人犯境即可輕身入城小民亦知未雨綢繆殊屬踴躍且現在官倉閒空其穀石多而無地可以屯儲之家茲已將官倉借給存儲並明白曉諭以將來設有事端卽當借給口糧事竣照市價價梁山雖小邑頗多知義之民以故鼓舞樂從尙不致疑於官吏

二廣修山寨合力守禦也查賊匪自去秋起事迄於今日所入之處必先以虛聲恐嚇俟居民逃竄彼則乘

虛而入地方官雖欲禁止逃民而逃民終不可禁以故民心愈恐而賊勢愈張小民無識貴堅其志必置之於必不可死之地而後有不肯輕去之心民有不肯輕去之心而後賊無可闢入之勢梁山境內周圍數百餘里四面俱有古寨已令各路約保指名稟出大小不下三十餘處有周圍三四十里者有周圍十餘里及七八里者各不等大抵皆峭壁懸崖中通一徑現已親赴各寨逐加閱視普勸居民令其各家修整大約不過一月之內即可一律修齊其附近城郭之牛頭金城七十層子巖等寨日內即可竣工並聞賊眾行不裹糧待掠而食倘能絕其糧路勢不能枵

腹持矛。是以旁寨居民俱令其將存積穀石全數先行運寨。寨上多備滾木。插石並按照寨之大小分給過山鳥槍等件。如果賊至各路居民自可就近登寨而守。或十餘團守一寨。或數團守一寨。並諭各屬該居民等於賊至之時勿與接戰。但堅守不動。使我四境之中路路可通。寨寨相望。不必互相策應。而實有互相策應之勢。賊仰攻不能掠食。無所左梗右塞。步步防人。似有不待驅逐而自退之理。

### 籌辦團練章程

一每一保正所管之地爲一團。又合數保正或十數保正之地爲一大團。每小團設立團長一人。或二三人。或三四

人無論紳士居民務須其人心地明白曉暢大義向來爲一方之仰望者始准議立不必拘定資格亦不得徇私妄舉其大團議立團總一二人或三四人總理各團之事所有大團團總須各團公舉後訪查明確當面驗試如果可以勝任再行給札飭辦

國內團勇須年力精壯十五歲以上五十歲以下者無論是否紳士之家有無田產均列名充當其外來流棍及團總團長素不認識者不得派充派定之後團總另造一冊某團長名下管領團勇若干開列姓名年齒呈送過硃以便不時親臨查點倘有違抗不願入團出力者許團總團長指名具稟治罪

一每團製造紅邊黃布大桿旗一面。上大書某團義勇字樣。團內派一強幹有膽力者。遇有事之時。執隨團總左右。各團勇帽繫號帶一根。上亦寫某團義勇字樣。

一賊匪詭詐百出。常扮乞丐難民往來伺探。團內務須嚴加盤查。如見有面生可疑之人。立即協力拏送究治。如有別處攜眷搬入團內者。亦須問明來歷。或有人認識。方准入團居住。

一團內製造軍火器械。修卡挖濠。一應費用。若團總團長協同保正向花戶勸輸。但須就其力量秉公勸捐。既不得徇私勒索。亦不許任其違抗。務使眾心咸服。



如團總團長保正稍有挾嫌勒派等事一經花戶告發定卽從重治罪加倍罰追。

一團內人家凡有防夜烏槍素習施放者卽多備繩藥砂子團成一隊或另製營槍更妙所用鋼矛刀頭長一尺餘桿長八尺堅硬木料裝釘其餘叉鉞劒戟如有素習熟慣者各隨武藝所長備用團成一隊。

一團內有武藝精強之人據實報縣派令傳習教演各團團勇公議月費以酬其勞。

一各團相距在二十里內外者每議一定期於附近要隘處所齊集會哨或施放槍礮演試武藝旣足以壯聲勢並可使賊匪聞風遠遁彼此認識又得互相聯

絡不失守望相助之義。

一每團須設有膽力熟道路之健足探報四名輪流走探。如賊人在一二百里之內。卽須去探。以便早爲豫備。賊人若將臨境。團總團長一面卽率團勇赴卡堵禦。如有三人之家。以一人守居。二人赴卡。其有借故躲延者。卽以軍法從事。一面飛報別團。別團團總團長。迅卽一面嚴守木卡。一面抽撥團勇。各隨帶器械口糧前往援助。如有觀望延緩誤事者。卽將該團總團長照軍法從重治罪。

一團內地方須看明要隘處所。或山梁或舊寨。擇其易於守禦之地。築卡挖濠。安設槍礮。如探有賊匪臨境。

團總團長卽帶領團勇在卡堵截。既有大卡深濠。不但人人膽壯。易於堵截。卽賊匪亦不敢輕易來撲。每卡須容二三十人。卡牆須高四尺。厚二尺。濠深八尺。寬八尺。四面安弔橋。方爲合式。

一立團雖各處分設。而有事之時。附近幾團務須彼此救護。如別團現在與賊抵敵。其附近各團一經聞信。卽須派人帶領團勇前往幫同堵截。同心保護。前卡賊匪旣不能過。後卡亦可保無虞。如有各保各卡。自誤大事。定照軍法從事。

一倘或有事之時。團勇日夜守卡。瞭望協力堵禦。至夜間伏路巡更。尤爲緊要。必須輪流派撥。以均勞逸。如

有推諉偷安及虛應故事不用心出力者團總團長稽查稟究

一賊匪所到之處先以放火與大聲喊叫驚人凡有火起卽當整頓堵禦不可驚慌退避如聞聲喊亦不可膽怯違者軍法從事

一團總團長奉行巡查派撥傳召教演及一切堵禦要務敢有藉端需索通同舞弊累居民團勇者立行拏究追繳領牌仍倍罰不貸

一縣令製就令旗信籤傳調某團該團總團長卽率團勇依限飛馳照信籤揭定處所齊集聽候派遣敢有延誤者照軍法從事

一各團距城遠近不一。必須與縣署聲息相通。方可隨事緩急酌量辦理。每大團各擇一明白曉事之人。常住本城。凡有團內應行之事。隨時稟明核奪。一團規立定之後。凡團內舊有居民。卽不得任其搬徙。如有違抗搬移。以致搖惑人心者。定將家產房屋入官。作爲地方公用。

三省邊防備覽策略

嚴如煜

山內防維之策。總以安輯流民爲第一要務。流民開山作廠。旣各安其業。奸徒亦不能以煽惑。卽偶有蠢動。而各保身家。長機自挺。盡成勁旅。好亂之奸民。終不敵良民之多也。山內差役多。客民充當。無風生浪。遇棚民有

事。敲骨吸髓。弁兵附和爲奸。如今日檄令查某寨。明日差令禁某事。地方寫遠。山民受其凌虐。無可告訴。無爲申理。噫。然無復有生之樂。一二奸徒倡率。爭相附從。則禍變成矣。賢明監司太守十數人。落落分布三省邊境。軫恤民隱。勤於稽察。俾在官人役不能逞其奸蠹伎倆。則土流安業。自不至有輕生之心。

山內營生之計。開荒外有鐵廠。木廠。紙廠。木耳廠。各項一廠多者恆數百人。少者亦數十人。賊匪滋事之始。有議以各廠人多。恐被賊裏誘。當嚴行驅散者。是大不然。凡開廠之商。必有貲本。足以養活廠內之人。必有力。量足以驅使廠內之人。工作利其貲值。帖然爲用。各商護

其賢本偵探賊蹤。往往較官府爲真。於開廠之地。必擇險峻可守之處。結寨屯積糧食。賊至搬藏其中。賊不能裏也。若不准開廠。則工作之人無資以生。添數十萬無業流民。難保其不附從爲亂。故只當聽其經營。不可擾也。至於聯絡各廠。各設卡倫。無事安心工作。有警協力防堵。則耐勞習險之人。更有得其實力者。是在良司牧之善駕馭矣。

山內裁定之功。固由將弁。而實賴地方之司牧。賊匪經勝仗後。脅從之眾多。乘閒自我。地方官不能安輯。任兵役嚇詐。則無路自新。又或苦於苛政。甘心作賊。則所殺之賊。不逮所增之數矣。卽搜捕之時。良司牧功亦有易。

奏者領兵官所帶數千人外不能別有統轄地方官果得民心則所轄數萬數十萬百姓皆爲父子兵寨民於官兵經過多疑懼不敢到營卽偵知賊在前途不能相告若地方官則賊所至之地保正寨長均須立報得以豫爲準備此皆制勝之要弭盜之本也

戡亂之方不難於一戰而勝之而難於全局而安之又安之事寬猛並用曲折周詳巨細必須皆到則司牧之責任重矣

林中所產老毛竹節密而堅枝柔而勁賊匪砍作矛桿長一丈七八尺拒抗時千矛攢刺短兵砍撥軟不受力前矛甫開後矛已至賊勢不支則拔出矛頭棄桿翻山



形同猿猱竄至他處。又砍竹作桿。前敵之兵。火銃弓箭。林內不便施放。亦用長矛。彼此刺擊。馬服君曰。兩鼠鬪穴。將勇者勝。信哉。

平原之中。弓箭疎通。及遠火銃。亦可得力。故賊匪不輕離老林。盤厓之役。齊王氏率賊匪數萬人。出山攻撲王提軍營。血戰竟日。子藥皆盡。賊用馬隊直衝而前。有山西千總崔燮者。奮勇領虎頭藤牌軍二百名。跳躍出迎。賊馬驚竄。自相踐踏。營中分兵鼓噪繼之。賊匪始退。次日額侯索倫馬隊至。盡銳衝殺。邊兵猛勇善射。一皆當百。賊死傷大半。逃遁入山。自是不敢輕窺平原。勦賊之師。弓矢銃矛。藤牌均宜。分隊練習。不可偏廢也。

兵以衛民。不戢士卒。則雖殺敵致果。終非雲霓之師也。經略參贊所以克奏膚功者。拏定保民二字。主見每當下營村老。皆得進見。詢問民間疾苦。長吏賢否。約束弁兵。秋毫無犯。德侯常勦賊西鄉。紫陽。開四面皆賊。督軍前後攻擊。軍中缺糧。已二日。兵軍有掠寨民糧食者。立斬以徇。故三省邊民。感戴異常。聞兩侯營至。老幼夾道歡迎。經略之卒。山內軍民間之多。遙奠痛哭。亦可爲領兵者師矣。

清野之策。可行之山外。而不能行於山內。溪河兩岸。早麥三月已有熟者。低山之麥。以五月熟。高山之麥。六七月始熟。包穀種平原山溝者。六月底可摘食。低山熟以

八九月高山之熟則在十月包穀既熟其穗倒垂經歷霜雪粒更堅實山民無倉收儲往往旋摘旋食歲潦則望低山之收歲旱則資高山之熟不能禁民閒力作無高低早晚之分持清野之說日下符檄督責州縣徒滋兵役擾累於事無濟也

因山成寨併村爲堡固保聚百姓不致蹂躪之要策而山內營汛有宜捍衛之者凡設營汛之地必地當要隘爲我之所必守賊之所必經但營汛既立即當衛此營汛崇山峻嶺之中安一外委把總官兵數十名而平時寄住集場無駐憩之房舍有事分伏徑路無把扼之壁壘置之散地一夫夜呼倉皇四竄則安用設此弁兵爲

且一夫當關萬夫莫開。自必有可當之關。而後可靠。此當關之一夫。如有險不守。則與無險同。惟是山內必守必爭之地。多營汛到處安設。經費有常。詎能俱安。城堡卽建。城堡亦患兵少不能守禦。因思辦理苗疆有建礮卡扼要之法。推其意而爲礮堡。實可以逸代勞。以少禦多。賊匪往來要路。有地勢過於逼仄。欹倚不能立。站多人者。則扼要安設二三礮樓。作梅花瓣勢。或連珠形。子藥米薪皆儲礮中。賊自不敢偷越。其汛地稍平。或由中小場集。則用礮堡法。其礮與守卡四面封砌者不同。就堡牆中作礮礮向外三面凸出。在內一面空之。礮高三層。上覆以瓦。上中兩層作樓。層礮銃眼礮眼。下層以護

堡根中上二層迎敵。每礮相隔五六十丈。令左礮與右礮銑礮接連得及。銑礮眼瞭望眼。均外窄內寬。令內銑可出外銑不得入。堡築土牛。厚四五尺。高一丈七八尺。不須用排垛女牆。門卽設二礮。開計二百一二十丈之城。共作四礮。每礮用十人守之。寢食其中。是二百餘丈之城。只須守以四十人。而百姓卽可安居堡內。其地勢寬者。添作五六礮。地勢窄者。少作一礮。相地勢以建設。大小區長均無不宜。單礮樓石礮更好。堡礮使用審甄。甄每塊長一尺。寬五寸。厚二寸。砌四進。連灰計厚二尺有餘。高一百層。連灰計二丈有餘。三面各寬一丈二尺。用甄在一萬三千塊。灰之斤數與甄均。山內薪柴近便。

計一礮工價百數十金。要卡用單礮。要汎用礮。保民間之作寨堡者。亦飭令倣效爲之。處處銅城鐵壁矣。

堅壁清野。均制寇良策。山內之野雖清。已論於前。至堅壁之謀。則行之確有成效。五年以前。賊勢之熾者。以其到處裏人。脅從日眾。搶掠民食。因糧於我也。自寨堡之議行。民盡倚險結寨。平原之中。亦挖濠作堡。牲畜糧米。盡皆收藏其中。探有賊信。民歸寨堡。憑險拒守。賊至無人可裹。無糧可掠。賊勢自衰矣。

追敵之難。固限於地險。然亦多由軍糧之不能接濟。賊匪隨劫隨食。不須持糧。官軍不能也。賊軍日走百數十里。官軍亦日追百數十里。而負糧大馬。日止能行數十

畢。往往兵行一日糧兩三日始達。乾糧難以多攜。不能  
不佳紮等糧。寨堡旣成。官兵經由處所。豫先儲糧。軍至  
輒搬運供給。庚癸無呼。實資於此。

供運之方。當於要路各寨。豫爲儲備。蓋當官兵臨境之  
際。必賊匪滋擾之時。設法供運。亦防賊匪攔搶。而供運  
之人。尤當斟酌。竊嘗謂用家丁不如用差役。用差役不  
如用紳士。家丁入山行李。先自累墜。路徑不熟。聞賊膽  
怯。往往運糧不到。浮開運腳使費。差役路徑熟悉。兼恐  
誤差責懲。而人夫不受約束。是以亦難得力。紳士則居  
住寨堡之中。其心急欲官兵殺賊。地方甯靜。事雖公而  
切己。辦理較實心也。地方官於寄糧寨堡。擇紳士耆民

寨堡之設。固足保民。於勦賊機宜。亦大有裨益。賊匪奔竄山谷。不由路徑。官兵盡力窮追。相距總隔一二日程。以其前無阻截之者也。寨堡既成。加以團練。賊至據險以拒。大兵跟擊得及。鮮不獲大勝者。

政令書附要九 備武



各寨輪撥數人設卡防守。當耕作之時。百姓分布耕種。防匪之突至。各卡於高山眺望。偵有賊蹤。放一礮。則耕作之人盡皆收檢農具。偵賊向此路。則放二礮。人畜皆歸寨堡。賊近則放三礮。寨總糾會各寨盡整器械。策壯丁堵禦。前卡信礮既放。後卡聞聲接放。頃刻之時。數百里間咸知警備。賊至不放礮。與非賊至放礮。寨總查出。均卽稟官嚴懲。

偵探不明。便至誤事。而探卒最難得其人。往往於中途逗遛數日。回則糊塗捏報。團練既行。於各邑沿邊寨總各給木戳探止本境者。其探票內必要取寨總戳記。如至鄰省鄰邑。飭令所到營縣稟請於票內加用印信。以

杜道途聽說之弊。甯優給口糧。票內無截記印信。必加重懲。

團練鄉民。不過令其保聚。無遭蹂躪。非欲以此邀戰功也。教習之時。令其演火銃。擊石子。能於百步外中靶爲上。不必令習刀矛。蓋刀矛決生死於五步之內。百姓各有身家。不值與必死之賊拚命。火銃則擊之百步之外。度不能勝。尙可爬山而逸。至於善擊石子。猝遇賊匪。手無器械。地下石塊。卽可抵禦。所謂沒羽箭也。以守寨堡尤宜。較之火銃。費省而力相當。

百姓自捍身家。不能出境勦捕。闕有地當要衝。本地民力單弱。必須得人幫助者。當剴切諭以唇齒之義。而所

調止在數十里內。百姓知無遠役。地方官又能加之獎勵。軫其饑寒。自然踴躍從事。

團練之法。有礙其勞民者。是大不然。當賊匪崛起之時。山內州縣。豈能處處用兵防守。團練之眾。雖不足以當大賊。而聲勢既張。則小股賊匪。亦不敢輕有窺伺。查賊匪將至。必先有賊探偵。視無備乘虛而入。團練既成。每月操練兩次。不過費兩日工夫。其餘二十八日。儘可力作。若不團練。則賊匪日日滋擾。地方光棍加以恐嚇。百姓日藏山洞。不敢耕種。其廢時荒業爲何如。古人稱平賊方略。徵調不如招募。招募不如團練。然總須相兼而行。則戰守有資矣。團練雖民間自捍桑梓。須官府激勵。

鄉兵止可如此用但能使  
賊頓其不住即退勝算若  
命賊之戰賊鮮不敗事

少爲贊助故於有事地方上官當量爲調劑俾得展布  
始可責以固境保民也

山民質樸勁勇耐勞習險非平原百姓氣浮而脆者可  
比果其團練得宜賊匪畏之相遇輒曰土豹子可恨蓋  
賊匪之用以勞我師者我兵必分道架梁而賊匪翻山  
踰嶺其來如虎其去如鼠跟追倏無蹤跡也山民則不  
然賊匪之能皆山民所自具而賊匪之路徑又不逮山  
民生長其地爲更熟也但訓練之時有宜與首人講論  
者百姓非兵勇難以法治可勝不可敗如傷數人則餘  
皆鳥獸散銳氣挫矣賊來勿迎頭攻擊沿途分伏壯健  
於山灣石角之間賊匪大隊過去必有拉後之數十人

委頓道途。開突出截擊。可以盡擒。前寨既用此計。後寨亦依計行之。則賊所過寨堡。必有損折。又賊於夜間。有住紮地方。附近寨堡。揀壯健於夜靜更深時。用大礮過山。鳥鎗擊之。縱不能多殺賊。而徹夜不得休息。必驚惶拔走。明日至他處。又復如此。則賊亦疲罷。拉後被擒者益多。我不勞而彼已不支。鄉兵困賊之至計也。

山中打生獵戶。平時專驅除虎狼之爲民害。其火銃百不失一。五溪蠻無以踰之。又各廠中防咽喉劫掠有標客技擊。一可當十壯士。往時有捐重貲募數百人。護輜重者。獨無失亡。或大軍有急。揮此輩援之。往往轉敗爲勝。古名將破賊必蓄選鋒。此足備軍鋒之用。不事外求。

者。

州縣民壯例本與兵一體操演。設以衛庫貳者。近則只以喚詞訟提人證。操演二字。絕不提及。蓋通弊也。山內則有不得不講者。地方遼闊。城守之千把汛兵數十名。解犯送差而外。存城幾人。偶有盜賊。文武措手無策。亦決不敢向前搜捕。以致浸釀事端。竊以山內民壯。富相縣之大小。大縣設一百名。中小亦必八十名。責成縣官。勤加操練。每名歲支口糧一十二兩。此項經費。卽查明從前叛產絕業。將佃租動撥。自可敷用。

團練之法。此上各條委曲詳盡。果能實心實力行去。何愁盜賊滋蔓。所可慮者。行之不得其法。團練

之人。卽能爲盜。爲賊。飲鳩止渴。威適自貽。當事者亦不可不知也。